



## Damask 4: Pronađena veća količina naoružanja

Službenici **SIPA** jučer su u nastavku akcije kodnog naziva Damask 4 pretresli teren u dvorištu kuće koju koristi osumnjičeni N. Š. (1988) na području Velike Kladuše s ciljem pronalaska i privremenog oduzimanja dodatnih predmeta koji mogu poslužiti kao dokaz u daljem postupku, te pronašli veću količinu naoružanja.



- Tokom pretresa pronađeni su i privremeno oduzeti puškomitraljez M 72,7, 62 mm, automatska puška AP 47 7,62 mm, vojni karabin M 48 7,9 mm, poluautomatska puška PAP 7,62, 12 okvira za automatsku pušku, kompletan zatvarač od poluautomatske puške PAP, prazan redenik 7,9 mm i municija različitog kalibra, saopćeno je iz **SIPA**.

Osobe inicijala N. Š. (1988), A. M. (1960) i Dž. V. (1989), koje su uhapšene u ponedjeljak u akciji Damask 4, otpuštene su nakon kriminalističke obrade shodno uputama postupajućeg tužioca Tužilaštva BiH. Protiv njih će biti podnesen izvještaj o počinjenom krivičnom djelu i počiniocima zbog postojanja osnova sumnje da su počinili krivično djelo protivzakonito formiranje i pridruživanje stranim paravojnim ili parapolicijskim formacijama i nedozvoljeno držanje oružja ili eksplozivnih materija. **SIPA** u saradnji sa partnerskim agencijama nastavlja borbu protiv terorizma i srodnih krivičnih djela, s posebnim akcentom na preventivno djelovanje, saopćeno je iz ove policijske agencije.